

AKASHVANI

REGIONAL NEWS UNIT SILCHR

MORNING NEWS BULLETIN – BENGALI

TIME – 7:35AM

DATE – 2ND APRIL 2026

আসাম বিধানসভা নির্বাচনে আর মাত্র কয়েকটা দিন বাকী থাকা অবস্থায় বিভিন্ন রাজনৈতিক দল ও নির্দল প্রার্থীদের প্রচার অভিযানে গতি এসেছে। প্রবীণ বিজেপি নেতা তথা প্রধানমন্ত্রী নরেন্দ্র মোদী গতকাল ধেমাজীর গোগামুখে প্রথম নির্বাচনী জনসভা এবং বিশ্বনাথের বিহালীতে দ্বিতীয় নির্বাচনী জনসভায় অংশ নেন। এর আগে প্রধানমন্ত্রী ডিব্রুগড়ে চা শ্রমিকদের সঙ্গে চা পাতা তুলেন এবং চা শ্রমিকের সঙ্গে মত বিনিময় করেন।

প্রধানমন্ত্রী শ্রীমোদী আগামী ৬ই এপ্রিল মরান ,বরপেটা রোড এবং লামডিংয়ে প্রচারে অংশ নিতে পুনরায় আসামে আসবেন। আজ বিজেপির প্রবীণ নেতা তথা কেন্দ্রীয় স্বরাষ্ট্রমন্ত্রী অমিত শাহ আসামে আসছেন। আগামীকাল শ্রী শাহ গোলকগঞ্জ , দুধনৈ ও বকো-ছয়গাঁওয়ে মিত্রজোটের প্রার্থীদের হয়ে প্রচার করবেন। কংগ্রেসের নেত্রী প্রিয়াংকা গান্ধী গতকাল দেবব্রত শইকিয়া ,লুরিগজ্যোতি গগৈ এবং বিপুল গগৈর হয়ে নাজিরা ,খোয়াং এবং টিংখাংয়ে প্রচার করেন।

কংগ্ৰেস দলের নেতা ৰাহুল গান্ধী আজ বোকাৰ্জান ও টীয়কে
প্ৰচাৰে অংশ নেবেন ।

প্ৰবীণ বিজেপি নেতা তথা মূখ্যমন্ত্ৰী ড.হিমন্ত বিশ্ব শৰ্মা গতকাল
টংলা বিধানসভা কেন্দ্ৰেৰ টংলা উচ্চতৰ মাধ্যমিক বিদ্যালয়েৰ
খেলাৰ মাঠে বিজয় সংকল্প সভায় যোগ নেন । এছাড়াও মূখ্যমন্ত্ৰী
গোৰেশ্বৰ বিধানসভা কেন্দ্ৰেৰ শুক্লাই ষ্টেডিয়াম ও টিছ বিধানসভা
কেন্দ্ৰেৰ বেলশৰ উচ্চতৰ মাধ্যমিক বিদ্যালয়েৰ খেলাৰ মাঠে বিজয়
সংকল্প সভায় অংশগ্ৰহণ কৰেন । এছাড়াও হাজো-শোয়ালকুচি
এবং ৰঙ্গিয়া বিধানসভা কেন্দ্ৰ এলাকায় আয়োজিত বিজয় সংকল্প
সভা ও ৰোড শোয়ে মূখ্যমন্ত্ৰী অংশ নেন ।

যোৰহাটেৰ টীয়ক বিধানসভা আসনেৰ এন ডি এ প্ৰাৰ্থী বিকাশ
শইকিয়াৰ হয়ে গতকাল অগপ সভাপতি অতুল বৰা ও কেন্দ্ৰীয়
মন্ত্ৰী পবিত্ৰ মাৰ্ঘেৰিটা নিৰ্বাচনি প্ৰচাৰ কৰেন ।

অসম প্ৰদেশ কংগ্ৰেস সমিতিৰ সভাপতি গৌৰব গগৈ ,অসম
জাতীয় পৰিষদেৰ সভাপতি লুৰিনজ্যোতি গগৈ ,ৰাইজৰ দলেৰ
অখিল গগৈ ,কংগ্ৰেসেৰ মীৰা বৰঠাকুৰ সহ কংগ্ৰেস নেতৃত্বাধীন
মিত্ৰজোটেৰ অন্যান্য প্ৰাৰ্থীৰাও ভোটদাতাদেৰ আকৰ্ষিত কৰতে
জোৰ গতিতে ভোট প্ৰচাৰ কৰছেন ।

বরাক উপত্যকার তিন জেলায়ও বিভিন্ন রাজনৈতিক দলের প্রার্থী এবং নেতারা ভোটদাতাদের আকর্ষিত করতে জোরকদমে প্রচার অভিযান চালিয়ে যাচ্ছেন । প্রবীণ বিজেপি নেতা তথা মুখ্যমন্ত্রী ডঃ হিমন্ত বিশ্বশর্মা আগামীকাল বরাক উপত্যকার চারটি স্থানে নির্বাচনী জনসভায় অংশগ্রহণ করবেন । মুখ্যমন্ত্রী আগামীকাল শিলচরে একটি রোড শোয়ে অংশগ্রহণ করবেন ।

এদিকে শিলচর আসনের বিজেপি প্রার্থী ডাঃ রাজদীপ রায় গতকাল ভাগাডহর শিববাড়ি , কনকপুর দ্বিতীয় খন্ড , বুধুরাইল এলাকায় ব্যাপক প্রচার করেন । শিলচর আসনের কংগ্রেস প্রার্থী অভিজিত পাল গতকাল কংগ্রেসের নির্বাচনী মুখ্য কার্যালয় থেকে সৎসঙ্গ বাজার হয়ে চিরুকান্দি , বিশফুটি পর্যন্ত এক পদযাত্রায় অংশ নেন ।

বরখলা আসনের কংগ্রেস প্রার্থী ডাঃ অমিত কালোয়ার গতকাল ডলু গ্রাম পঞ্চায়েতের রমণ বস্তিতে নির্বাচনী সভায় যোগ দেন , এদিকে বড়খলা আসনের বিজেপি প্রার্থী কিশোর নাথ গতকাল দুর্গাকোণা গ্রামপঞ্চায়েতের শান্তি কলোনি , চইলতা বস্তি , দরমখাল গ্রাম পঞ্চায়েতে নির্বাচনী সভা করেন । উধারবন্দ আসনের কংগ্রেস প্রার্থী অজিত সিং আজ

টিকলপার গ্রামপঞ্চায়েতের ঠালিগ্রাম বস্তিতে এক সাংগঠনিক সভায় অংশগ্রহণ করেন ।

এদিকে সোনাই বিধানসভা আসনের অগপ প্রার্থী করিম উদ্দিন বরভূইয়া সুন্দরী গ্রামে নির্বাচনী সভা করেন । সোনাই আসনের কংগ্রেস প্রার্থী আমিনুল হক লস্করও বিভিন্ন এলাকায় ব্যাপক প্রচার চালান । পশ্চিমবঙ্গের সাংসদ তথা তৃণমূল কংগ্রেসের নেতৃ সায়নী ঘোষ আগামীকাল উদ্বোধন এবং সোনাইয়ে তৃণমূল কংগ্রেসের প্রার্থী তাপস দাস ও শাহজাহান লস্করের হয়ে নির্বাচনী জনসভায় অংশগ্রহণ করবেন ।

শ্রীভূমি জেলার বিভিন্ন রাজনৈতিক দলের প্রার্থীরা নিজ নিজ সমর্থকদের নিয়ে জনসংযোগ , কর্মীসভা , প্রচার অভিযানে অংশগ্রহণ করছেন । উত্তর করিমগঞ্জ আসনের বিজেপি প্রার্থী সুব্রত ভট্টাচার্য নয়াবাড়ি গ্রামে ব্যাপক নির্বাচনী প্রচার চালান । রামকৃষ্ণনগর আসনের বিজেপি প্রার্থী বিজয় মালাকার নিভিয়া বাজার এলাকায় প্রচার চালান । দক্ষিণ করিমগঞ্জ আসনের এ আই ইউ ডি এফ প্রার্থী সিহাব উদ্দিন আজ আছিমগঞ্জে নির্বাচনী সভা করেন । ঐ আসনের অগপ প্রার্থী ইকবাল হোসেনের সমর্থনে আজ টিলাবাড়ী এলাকায় সভা

অনুষ্ঠিত হয়েছে । এদিকে ঐ আসনের কংগ্রেস প্রার্থী আমিনুর রশিদ চৌধুরী টিলাবাড়ীতে নির্বাচনী সভায় অংশ নেন ।রামকৃষ্ণনগর আসনের কংগ্রেস প্রার্থী সুরুচি রায় মোকামছড়া এলাকায় প্রচার চালান ।

হাইলাকান্দি জেলার আলগাপুর - কাটলিছড়া আসনে মোট ১৫ জন প্রার্থী প্রতিদ্বন্দিতায় থাকায় ঐ আসনে নির্বাচনী উত্তাপ চরমে পৌঁছেছে । ঐ আসনের অগপ প্রার্থী জাকির হুসেন লস্কর , কংগ্রেস প্রার্থী জুবাইর আনম , নির্দল প্রার্থী সুজাম উদ্দিন লস্কর , নিজাম উদ্দিন চৌধুরী জোরদার প্রচার চালিয়ে যাচ্ছেন ।

আসাম সরকারের আবগারি বিভাগের নির্দেশে কাছাড় জেলা মেজিস্ট্রেট ভোটগ্রহণ উপলক্ষে আগামী ৭ এপ্রিল বিকেল ৫ টা থেকে ৯ এপ্রিল বিকেল ৫ টা পর্যন্ত সমগ্র জেলায় ড্রাই ডে ঘোষণা করেছেন ।এছাড়া চৌঠা মে ভোট গণনা শেষ না হওয়া পর্যন্ত ড্রাই ডে ঘোষণা করা হয়েছে ।ঐ দিনগুলোতে জেলার সব পাইকারি , খুচরো মদের দোকান বন্ধ থাকবে । আদেশ অমান্য করলে আসাম আবগারি আইন এবং জনপ্রতিনিধিত্ব আইনের অধীনে কঠোর ব্যবস্থা গ্রহণ করা হবে ।

কাছাড় জেলা প্রশাসন থেকে জেলার নাগরিকদের ঘরে ঘরে গিয়ে ভোটার স্লিপ বিতরণ কার্যসূচী শুরু হয়েছে । জেলা প্রশাসন থেকে জানানো হয়েছে যে জেলার ব্লক লেভেল অফিসার, বি এল ও-রা নিজেদের এলাকার ঘরে ঘরে গিয়ে ভোটার স্লিপ ধরিয়ে দিয়ে সাক্ষর গ্রহন করছেন । আগামী ৬ই এপ্রিলের মধ্যে ভোটার স্লিপ বিতরণ করে প্রতিবেদন জমা দিতে নির্দেশ দে ওয়া হয়েছে । এই কার্যসূচী সফল করতে জেলা প্রশাসন থেকে জনসাধারণের সহযোগীতা কামনা করা হয়েছে ।

হাইলাকান্দি জেলা প্রশাসন থেকে বিধানসভা নির্বাচন অবাধ, সুষ্ঠু ও শান্তিপূর্ণভাবে সম্পন্ন করতে আগামীকাল হাইলাকান্দির এস এস কলেজে ভোট কর্মীদের গ্রুপ ট্রেনিং প্রশিক্ষণ কর্মসূচী অনুষ্ঠিত হবে । আগামীকাল সকাল ৯টা থেকে গ্রুপ ট্রেনিং কর্মসূচী শুরু হবে এবং আগামী ৬ই এপ্রিল পর্যন্ত চলবে । এতে ভোট গ্রহনের সঙ্গে যুক্ত প্রিসাইডিং অফিসার, প্রথম, দ্বিতীয় ও তৃতীয় পোলিং অফিসারদের উপস্থিত থাকতে নির্দেশ দেওয়া হয়েছে ।

এদিকে জেলা প্রশাসন থেকে জানানো হয়েছে যে আজ এস এস কলেজে ভোট কর্মীদের প্রো-এ্যাপ সংক্রান্ত প্রশিক্ষণ অনুষ্ঠিত হবে । বিকেল তিনটে থেকে এই প্রশিক্ষণ শুরু হবে ।
